

الاستاذ

سر ۱۳۳۰

والله يهدي من يشاء الى صراط مستقيم دینی، علمی، ادبی، سیاسی هفته‌ای مجموعه اسلامی در آبعون اهدکم سبیل الرشاد

صاحب زمیر مسئول: ح. اشرف اربیب

جلد ۱-۸

۷ مایس ۱۳۲۸

پنجشنبه

۵ رجب ۱۳۳۰

عدد ۱۶-۱۹۸

نفسیه شریف

بِسْمِ اللَّهِ الرَّحْمَنِ الرَّحِيمِ

إِنَّمَا الْمُؤْمِنُونَ إِخْوَةٌ فَأَصْحَابُوا بَيْنَ أَخْوَيْكُمْ وَاتَّقُوا اللَّهَ

لَعَلَّكُمْ تَرْحَمُونَ

ترجمه سی

«مسلمانان بر برینک قارده شدن باشقه برشی دکدر؛ اونک ایچون ایکی قارده شکزک آرسنی بولیکز، اللهم ده قورقیکز که رحمته نائل اوله بیله سیکز.»

**

آیت جلیله سوره حجراته منسوبدر. زخمشری دیورکه: «(بین اخوتکم) یاخود (بین اخوانکم) صورتنده قرأتلر اولقله برابر کله تشیه صیغه سیله ده اولسه کافیدر. زیرا آره لرنده طارغینلق ظهور ایدن کیمسه لک اشاغی ایکی کیشی اولور. آزلنی باریشدیرمق لازم اولنجه، چوقلغک آرسنی بولمق البته دها زیاده لازمدر. چونکه ایکی آدمک بوزوشماسی یوزندن حصوله کله جک فالق هیچ بر زمان جماعتک یکدیگرینه طاریلاسندن میدان آله جق فساده بکزه من. (اخوین) دن مراد اوس ایله خزرچ قبیله لیدر، دینلرده واردر.»

أوت، حقیقی مسلمانلر بر برینه قاردش نظریله باقارلر. ذاتاً آرده کی رابطه بوقوتده اولمازسه مسلمانلق قورو بر عنواندن عبارت دیمکدر. آزیجق دقت اولنورسه کورولورکه: شریعت مطهره نك

هان بتون احکامی اخوت، وحدت اساسنی تحکیم ایله مکده در. نمازلر، حجلر، زکاتلر، شهادتلر، اودوجلر، عینی قبله یه توجهلر هپ، مسلمانلری بر برینه باغلایه جق واسطه لر در.

رسول اکرم صلی الله علیه وسلم افندیمز حضرتلری: «مسلمانلرک حاله آدیرمیان مسلمان دکدر.» بویوریورلر. شو حدیث شریفه کوره، حقیقی مسلمانلرک مقدارینی اکلایه بیلمک ایچون، نفوس حاضرده دن نه دهشتلی ریکون ایندیرمک لازم کله جک!

بزلر «هیچ بر مسلمانک وجودینه بر دیکن با تمازکه اونک آجینسی کندمه طویمش اولماییم.» دین بر پیغمبرک امتی ایکن، جهان اسلامی قیروب کچین فلاکتلردن خبریمز بیله اولیور! أوت، زلزله دن مصاب اولان ای تالیانلرک امدادینه قوشدیغیمز صیره ده، بیکلرجه مسلمان هندلی طوفانلر ایچنده بوغولیوردی. زوالیلرک النی طوتمق شویله طورسون، باد هوا بر تاتر کوستره بیلمک ایچون، فریادلرینی بیله ایشیده مدک!

بز مسلمانلر باشقه ملتله بکزه میزه. دین رابطه سنی اهل ایدمه جک اولورسوق، بو حرکتتمزک جزاسنی، عقبایه قالماز، دها دنیاده ایکن چکزر... نته کیم چکیورز! دین مین قومیت، جنسیت کی انسانلری بر بردن اوزاقلاشدیران اسبابی آره دن قالدیرمق، دنیانک مختلف نقطه لرنده کی جماعتلری برلشدیرمش ایکن، بز قالدیرمق عینی طور اراقده یاشایان جماعات اسلامییه ی قومیت حسیله پارچه لامق ایسته یورز!

ای جماعات مسلمین، بیلمش اولیکز که مسلمانلرده قومیت یوقدر. رسول اکرم صلی الله علیه وسلم افندیمز حضرتلری «قومیت غیرتی کودنلر بز دن دکدر.» بویورمشدر. شاید کیمکزه عربلغنه، کیمکزه آرنالوودلغنه، کیمکزه ترککلغنه، کیمکزه کردلکغه صاریله جق،

حیاتلرینه طوغرو بوندن رجوعله « حاشاشم حاشا » ساخته کارلغه باشلامشله . بومفتربلرک شناعت مزبورهلری طائفة یهودک مشاهده ایتمش اولدقلری معجزات جليلة لرینی سحره حمل ایدهرک حضرت داود ع . م ایله حضرت سلیمانک کفر وارتدادلرینه قائل اولملری کبی شاعتک اک فاحش نوعندن اولدینی هویدادر .

بردفعه اورتهیه قویدقلری منطقسزلغه باقکزده حیران اولوکزه . بوحریفله - بالاده کی اعترافلرینه نظراً - ملیونلرله انسانلرک قبولیه مفتخر اولدقلری بر دین مقدس وعلی مؤسس والاشانک حین تأسیسه یالانجی اولق امکائی ذهلرینه قبول ایتدیره مدکلری حالده مظفریت کامله احرازینه موفق بیورلدقندن صوکرک کندیسنک یالانجی اولدینغه معتقد بولنه بیله جکئی وجدانلرینه صیغدیریورلر . هرعالی بالبداهه اعتراف ایدرکه بوندن صاحبه برتناقض اوله ماز . نصل که بوزمانه قدر بویله بر سوز تفوهی فرد واحدن روایت ایدلمش دکلدر . ذره بدر ادراک واذعانه مالک اولان برانسان طرفندن تصور اولنه بیلمی که حین تأسیس وتیلیننده محق وصادق بولنان ومحضا بوسایه ده مظهر توفیقات صمدانیه بیوریلان عین ذات ، عین مسئله ده مؤخرآ کذب ومبطل اولسون . مدعی وادعاده اصلا تبدل واقع اولمادینی حالده صدق ایله کذب اجتماع ایله بیلسون . اگر شو اجتماعی جائز کورن شخص اعتقاد تناقضدن عاری عد اولنورسه قیامته قدر دنیاده تناقضه مثال بولق احتمالی قالماز . اوله لاقیردیعی اولور . طوغرو سوز هر وقت طوغرودر . یالانده هر زمان یالاندر . مرور زمانک صدق وکذب تحقیقده تأثیری اولورمی ؟

« بونی نفی ایدن دلیللر موجود اولدینی کبی تصدیق ایدن دلیللرده موجوددر ، بو ایکی نوع دلائل قوتجه همان همان یکدیگرینه مماندر . بناء علیه تعیین حقیقت محالدر » کبی غرضکارانه سوزلرله بو حقیقت قطیه خللدار اوله بیلمی ؟ بر حکمک ثبوتنه دلالت ایدن دلیل میداننده طورورکن ینه او حکمک انتفاسنه دال اوله جق باشقه بر دلیل بولنسون ، یکدیگرینه مقابل دلیللر متعدد ، همده قوتجه متائل بولنسونده بوندن طولانی تعیین حقیقت محالات عقلیه دن عد اولنسون ؟ هیچ بوقدر منطقسزلق اولورمی ؟

ثبوت حقیقته ، پیامبر ذی شان افندیمرک ارتکاب کذبیدن عاری ومقدس بولنسنه دال اولان ، مفتریلرجه بیله شایان اعتماد کورولن دلیللر یوقاریکی کلاملرنده مصرحدر . بونک خلافتنه دلالت ایده جک ، دلائل دکل ، بر دانه جک دلیل کوسترمک امکائی یوقدر . « بونی نفی ایدن دلیللر موجود اولدینی کبی تصدیق ایدن دلیللرده موجوددر » دییه تسوید اوراق قولای برشیدر ؛ انجق خلاف حقیقته دال دلیل واحد اقامه سندن عاجز قانیرسه او وقت محرر بحق « مفتری » لک صفتی اکتساب ایتزمی . ثبوتی متیقن اولان برشیک زوالی شک ایله ، توهم ایله دکل ، انجق برهان قطعی ایله بیله جکی حالده بوراده مورث شک اوله جق ادنی برسبب ارانه سی بیله قابل دکلدر .

سزی رابطهلرک اک متینی ایله برلشدیرمش اولان دین قاردشلمغی بر طرفه براقه جق ایسه کز ، نعوذ بالله ، هیمز ایچون خسران مبین محققدر .

محمد عاکف

مدافعات دینیہ

حق و حقیقت

در قنور دوزینک اهمیت علمینده کی اسنادانه قارشى ربه

۹

تکمله من بوراده تمام اولدی . شمندی - دوزی ، جودت - مفتریاتنک تعقیبنه باشلا یوروز . بری طیشیمزدن ، دیکری ایچمزدن اولان شو ایکی غرضکار اسلام بوراده کویا انصافه کله رک اقرار مأول طرزنده شو افاده یی در میان ایدیورلر :

« بو آنده محمد حسن اعتقاد اوزره ایدی . بوندن اصلا شره ایدیله من . کندیسی کشفلرینه ومأموریت قدسیه سنه محکم وصیمی اوله رق اعتقاد ایدیورلردی . عادى بری لانجی ملیونلرجه انسانلرک قبول ایتدیکی وبرآیین جهانی اولان بر دین تأسیس ایتکه مقتدر اوله ماردی . متین وصمی براطمینانه مالک اولقسزین محمد (صلعم) اون سنه دن زیاده بر مدت کندیسنی بکلین تحقیرات ومهاکه قارشى قویا مازدی . »

اثر معهودک حاوی اولدینی اسنادات ایچنده بر عدد اولسون طوغرویه شیه سوز بولمغه اوغراشانلر وار ایسه یالکیز بوفاده یی مثال کوستره بیلمرلر . حالوکه بر مقتضای غرض علاوه اولونان بر قید ایله بوده طوغرولقدن صد مرحله اوزاغه آتشددر . قید دیدیکمز شیده اک باشده کی « بو آنده » تعیری اوله جنی امر آشکاردر . نصل که ۴۰ نجی صحیفه ده بوراده ایما ایله کجدیکی اسناد باطلی بروجه صراحت در میان ایتشیدی . نقلی بورایه تأخیر ایتمش اولدیغ اوراده کی عباره شوندن عبارتدر :

« بوندن شونججه چیقارکه محمد حیاتنک صو ک دورنده مرسلیننه حالا اینانیورمی ایدی ، یوقسه اینانهایورمی ایدی ؟ بونی بیلمک محالدر . بونی نفی ایدن دلیللر موجود اولدینی کبی تصدیق ایدن دلیللرده موجوددر وبو ایکی دلائل قوتجه همان همان یکدیگرینه مساویدر . »

ایشته کورولیوریا ! بوغرضکارلر بعضاً صورت حقندن کورونه رک بویله بر طاقم آنزیه لر یوروتمک ایسته یورلر . اک طوغرو سوز قیاس اولنان اعتراف نفاقرورانه لریده بویوک بر تجاوز اولدینی آز ملاحظه ایله میدان علانیه چیقیور . جرأتک ذروه بالاسنه ارتقا ایله سلطان ذی شان انیا افندیمر حضرتلرینه (حاشا وکلا) ارتداد ، رجوع عن الاعتقاد اسنادینه قدر واریورلر . کندی رسالتک حق اولدینغی اولجه بیلمر و صورت صمیمانه ده اعتقاد ایدیورمش ده صوکرک دور اخیر